

Bosna i Hercegovina
Federacija Bosne i Hercegovine
KANTON SARAJEVO
Općina Hadžići
- Općinsko vijeće -



Broj: 01-02-11931/2022
Hadžići, 29.12.2022. godine

Na osnovu člana 2.12. stav (5) Izbornog zakona Bosne i Hercegovine („Službeni glasnik Bosne i Hercegovine“, broj: 23/01, 7/02, 9/02, 20/2, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20) i Odluka kojom se donosi Zakon o izmjenama i dopunama Izbornog zakona Bosne i Hercegovine „Službeni glasnik BiH broj 38/22, 51/22 67/22), člana 7. a) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 67/21, 73/21 i 13/22) i člana 24. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13 - ispravka, 11/18 i 1/20), Općinsko vijeće Hadžići na Dvadesetoj sjednici održanoj dana 29.12.2022.godine, donosi

O D L U K U
O OBJAVLJIVANJU JAVNOG OGLASA ZA IMENOVANJE DVA ČLANA OPĆINSKE
IZBORNE KOMISIJE HADŽIĆI

I

Općinsko vijeće Hadžići objavljuje javni oglas za imenovanje dva /2/ člana Općinske izborne komisije Hadžići.

Članove Općinske izborne komisije imenuje Općinsko vijeće Hadžići uz saglasnost Centralne izborne komisije Bosne i Hercegovine na period od 7 godina, a mandat im teče od dana davanja saglasnosti Centralne izborne komisije BiH.

II

Kandidat za člana Općinske izborne komisije mora ispunjavati sljedeće opće uslove:

- a) da je lice sa pravom glasa
- b) da je lice sa odgovarajućom stručnom spremom i iskustvom u provedbi izbora.

III

Pored općih uslova iz tačke II ovog javnog oglasa kandidat za člana Općinske izborne komisije mora ispunjavati i sljedeće posebne uslove:

- a) da ima prebivalište u općini Hadžići
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji

b) članstvo u biračkom odboru na izborima obuhvaćenim Izbornim zakonom BiH.

IV

Izuzetno od odredbe iz člana 2. stav (1) tačka a) ovog Uputstva, u općinama koje imaju do 700 upisanih birača, član izborne komisije može biti lice sa prebivalištem iz druge susjedne općine, ukoliko u općini za koju se imenuje izborna komisija, nema prijavljenih kandidata koji ispunjavaju uslove tražene javnim oglasom, a radi primjene člana 2.14 stav (1) Izbornog zakona BiH, vodeći računa o posljednjem popisu stanovništva. Izuzetno od odredbe iz člana 2. stav (1) tačka b) ovog Uputstva, član izborne komisije može biti lice koje ima završenu višu školu, odnosno VI stepen stručne spreme ukoliko se radi o općini koja ima manje od 2.000 birača upisanih u Centralni birački spisak ili se radi o ponovnom izboru (reimenovanju) člana izborne komisije odnosno ako je potrebno ispoštovati odredbe člana 2.14 stav (1) Izbornog zakona BiH. Odredba stava (2) ovog člana, se ne primjenjuje u slučaju imenovanja člana izborne komisije u skladu sa stavom (1) ovog člana.

V

Član izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH. Za člana izborne komisije ne može biti imenovano lice obuhvaćeno članom 2.3 Izbornog zakona BiH, kao ni lice koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VI

U skladu sa članom 2.3. i članom 2.12. stav (7) Izbornog zakona BiH za člana Općinske izborne komisije ne može biti imenovano lice:

- a) koje se ne može kandidirati u smislu člana 1.6, 1.7 i 1.7.a) Izbornog zakona BiH
- b) koje je član najvišeg izvršno - političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora)
- c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH
- d) koje je kandidat za izbore za bilo koji nivo vlasti
- e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovoran, u posljednje četiri godine, računajući od dana pravosnažnosti odluke
- f) koje je zastupnik odnosno punomoćnik političkog subjekta koji učestvuje na izborima
- g) koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

VII

Sastav Općinske izborne komisije Hadžići treba biti multietničan i odražavati zastupljenost konstitutivnih naroda u općini, uključujući i ostale, a prema posljednjem popisu stanovništva provedenom na državnom nivou.

U sastavu Općinske izborne komisije osigurat će se zastupljenost spolova u skladu sa Zakonom o ravnopravnosti spolova BiH.

VIII

Kandidati su dužni po ovom javnom oglasu priložiti sljedeće:

- prijavni obrazac sa kontakt podacima podnosioca prijave i listom dostavljenih dokumenata (obrazac prijave na javni oglas za imenovanje dva člana Općinske izborne komisije Hadžići koji je sastavni dio ovog javnog oglasa, kandidati mogu dobiti u zgradi Općine Hadžići ulica Hadželi 114, kao i na WEB stranici Općine www.hadzici.ba) svojeručno potpisan od podnosioca prijave,
- ovjerenu kopiju diplome o završenom fakultetu
- dokaz o potrebnom iskustvu u provođenju izbora (ovjerena kopija ili izvod iz službenog glasila akta o imenovanju za člana izborne komisije, potvrda nadležne izborne komisije o imenovanju i radu u biračkom odboru u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost)
- dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji Centralne izborne komisije BiH ukoliko je kandidat za dodatno bodovanje
- obrazac PBA-3 o prebivalištu kandidata (ne stariji od tri mjeseca od dana izdavanja od strane nadležnog organa)
- svojeručno potpisana i od nadležnog organa ovjerena izjava o nacionalnom izjašnjenju kandidata sa posljednjeg popisa stanovništva u BiH koja obavezno sadrži tekst: "sa posljednjeg popisa stanovništva u Bosni i Hercegovini".
- svojeručno potpisana i od nadležnog organa ovjerena izjava da kandidat nije obuhvaćen odredbama člana 2.3 Izbornog zakona BiH,
- fotokopija lične karte.

Dokumenti koji se dostavljaju kao dokaz o ispunjavanju uslova iz ovog javnog oglasa mogu biti originali ili ovjerene fotokopije.

Dostavljeni dokumenti se ne vraćaju.

IX

Općinsko vijeće će imenovati Komisiju za provođenje postupka po javnom oglasu (u daljem tekstu: Konkursna komisija) od tri člana i to dva člana na prijedlog Općinskog načelnika, a jedan član na prijedlog Komisije za izbor i imenovanje.

U sastavu Komisije za provođenje postupka po javnom oglasu obavezno mora biti najmanje jedan član pravne struke i/ili osoba sa izbornim iskustvom.

Po zatvaranju ovog javnog oglasa Konkursna komisija vrši klasifikaciju kandidata na one koji ispunjavaju uslove tražene ovim javnim oglasom i na one koji ne ispunjavaju uslove, o čemu sačinjava zapisnik.

Konkursna komisija je obavezna obavijestiti pisanim putem sve prijavljene kandidate o rezultatima izvršene klasifikacije.

Konkursna komisija će obaviti intervju, bodovanje i utvrđivanje rang - liste u skladu sa članom 10. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini.

Konkursna komisija sačinjava rang - listu sa redoslijedom kandidata prema uspjehu (ukupnom broju bodova).

Konkursna komisija podnosi pisani izvještaj Općinskom vijeću o provedenom postupku kvalifikacije kandidata i prijedlog rang - liste.

X

Općinsko vijeće cijeneći položaj kandidata na dostavljenoj rang - listi donosi odluku o imenovanju dva člana Općinske izborne komisije Hadžići koja se dostavlja sa potrebnom dokumentacijom na saglasnost Centralnoj izbornoj komisiji BiH u skladu sa članom 13. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik Bosne i Hercegovine“, broj 67/21, 73/21 i 13/22).

XI

Ovaj javni oglas objavit će se u dnevnom listu „Oslobođenje“, WEB stranici i Oglasnoj ploči Općine.

XII

Rok za podnošenje prijava je osam dana od dana objavljivanja u dnevnom listu „Oslobođenje“.

XIII

Prijave na javni oglas sa potrebnim dokumentima dostavljaju se u zatvorenoj koverti putem Protokola Općine Hadžići ili preporučenom poštom na adresu:

Općina Hadžići

Općinsko vijeće Hadžići

– Komisija za provođenje postupka po javnom oglasu –

Hadželi 114

71240 Hadžići


Uz naznaku „Prijava na javni oglas za imenovanje dva člana Općinske izborne komisije Hadžići – ne otvarati“.

Nepotpune i neblagovremene prijave neće se uzeti u razmatranje.

Za sve dodatne informacije zainteresirani se mogu obratiti sekretaru Općinskog vijeća Hadžići na telefon broj 033 475 912.

Predsjedavajući
Općinskog vijeća Hadžići

Almin Bašić



NAPOMENA: Ovaj oglas je objavljen dana 10.01. 2023. godine u dnevnom listu „Oslobođenje“.